







BULA VOLI ENA VANUA





"A vosa vakayalovinaka sa i vakamalumu
ni cudru: ia na vosa vakararawa sa
vakatubura na cudru (Vakaibalebale 15:1)

Ni sa oti e vuqa na yabaki ni veivaluvaluti, sa rawati Kenani ko Isireli, e dina ga ni se sega ni ra vakatalai taucoko na lewena.

Na rua veimama na yavusa era taukena na yasana ki na tokalau (Rupeni, Kata vata na veimama kei Manasa), kei ira era takosova na Joritani me veivuke ena kabai ni vanua era vakayacora na nodra I tavi me rawati na vanua.

Sa qai yaco mai na gauna ni veitalatala. Ni sa vakasalataki ira me ra tomana na I lakolako ena nona gaunisala na Kalou, sa vakatalai ira yani ko Josua. Ia e ologa na veitalatala oqo e dua na lecaika levu ka rawa ni vakaleqa na nodra duavata na Isireli.



-  Na Vosa ni Veitalatala (Josua 22:1-8)
-  Na vu ni veileti (Josua 22:10-12)
-  Na veibeitaki (Josua 22:13-20)
-  Vosa vakayalovinaka (Josua 22:21-29)
-  Vakaduavatataki (Joshua 22:30-34)

NA VOSA NI VEITALATALA

“Ia mo ni nanuma vinaka mo ni kitaka nai vakaro kei na vunau, ka vakarota vei kemuni ko Mosese nai talatala I Jiova, mo ni lomani Jiova na nomuni Kalou, ka muria na nona sala kecega, ka vakabautana nona I vakaro, ka kabiti koya, ka qaravi koya ena lomamuni taucoko, yalomuni taucoko.”(Josua 22:5)

Baleta ni sa na wasea rua na veiyavusa na uciwai na Joritani, sa solia kina o Josua na I vakasala vuku ki na rua veimama na yavusa me ra yalodina tikoga kina (Josua 22:5):

Mo lomani Jiova na nomu Kalou

Na loloma sai koya na yavu ena liutaki keda vua na Kalou. Eda loomani koyu bale ni loomani keda e liu ko Koya (1 Joni 4:19)

Lako ena talairawarawa vua

Oqo na I valavala we namaka o Josua mai vei ira era digitaka me ra lakovata kei na Kalou

Vakabauta na nona i vakaro


Na talairawarawa e vua ni yalo vakavinavinaka ka kila na veika e sa cakava na Kalou

Kabiti Koya

Me da kabitaka Kalou ka kakua ni vakatara e dua na ka me tawasei keda mai vua


Qaravi koya ena lomamuni kei na yalomuni taucoko

Eda na kunea na I naki dina, na vakacegu kei na bula e vakasinaiti ni da lomasoli ni qaravi koya na Dauveibuli ena sa lomana



NA VU NI VEILETI

"Ia ni ra sa lako mai ki na bati ni Joritani, ena vanua ko Kenani, era sa qai tara ena kina e dua nai cabocabo ni soro ena bati ni Joritani ko ira na Rupeni, kei ira na Kata kei na kena wase e dua ni mataqali I Manasa, a sa rairai cabocabo ni soro levu" (Josua 22:10)



**Ena vanua volekata nai vakananumi ka vakadu-
ria ko Josua ena nodra takosova na Joritani,
eratou tara kina na I cabocabo ni soro na rua
veimama na yavusa me tautauvata kei na I
cabocabo ni soro en Valetabu (Jos. 22:10, 28).**

**E laurai oqo ni veisaqasaqa kei na lawa ka
vakatabuya na kena vakacabori na I soro ena
dua tale na vanua ena taudaku ni cabocabo ni
sorokama ena Valetabu (Vunau ni Soro 17:8-9).**




**Ko ira na vo ni Isireli, era sa nanuma me vakarusa na I valavala ca oqo ena
nodra na vala vata kei ira na wekadra (Jos. 22:12). Ia sa takoso na Kalou me
tarova na I valu. E susuga cake e dua na kawa tamata ka na sega ni vakatule-
-wataka e dua na ka ni se sega mada na I vakadinadina; era solia na galala ni
digidigi; ka laivi ira na wekadra me ra vakamacala mada (Jos. 22:13-14).**



**Sa qai matata emuri, na nona cala ga , oya ni a sega ni vakaraitaka
taumada vei ira na wekana na nona I naki... ka oya e sega ni I valavala ca.**


NA VEIBEITAKI

"Sa vosa vakaoqo na I soqosoqo taucoko I Jiova, a cava na ka ca oqo dou sa kitaka vua na Kalou I Isireli, ni dou sa lesu tani edaidai me kakua ni muri Jiova tiko, ni dou sa tara edua na nomudou I cabocabo ni soro mo dou talaidredre kina edaidai vei Jiova?" (Josua 22:16)




Na cava na vuna e digitaki kina o Finiase me liutaka na mata I lawalawa ni veivaqakai (Josua 22:13-14)?

O Finiase, na luvena na bete levu, e a gumatua ni tarova na I valavala ca mai Peali-Peori (T/Lekutu. 25:7-8). Ena nona vosa, e semata na I valavala ca oqo ki na I valacala ca nei Ekani ka vakatauvatana kei na kena era cakava na rua veimama na yavusa (Josua 22:16-20).



E vakaibalebale vakalevu na vosa nei Finiase. Kevaka e vakacabori na isoro ena I cabocabo ni soro vou oqo, ena cudruva na I soqosoqo taucoko ni Isireli na Kalou (Jos. 22:18b).

Ia sa solia ki vei ira edua na gauna me ra vakavinakataka kina na cala oqo, ni bera ni ra I valavala ca: sa solia vei ira na gauna me ra me ra lesu tale ki na tai ni Joritani ka koto kina na Valetabu (Josua 22:19).



NA VOSA VAKAYALOVINAKA

"keimami sa cakava kina na neimami cabocabo ni soro, me keimami lesu tani kina me keimami kakua ni muri Jiova tiko; se me keimami vakacabora kina na I soro kama se neimami madrali laukana, se me keimami vakacabora kina na I soro ni veivinakati, me qai taroga ko Jiova, (ka me kakua ni keimami vakabulai edaidai)." (Josua 22:23)

**Na yavusa Rupeni
kei Kata kei na dua
na kena i wase ni
Manasa, era vosa
ena yalovinaka ni
ra sa beitaki:**



Era vakarogoca na veibaitaki ena vakanomodi

Era cavuta na Kalou me nodra I vakadinadina


Era ciqoma me ra cudruvi kevaka e I valavalaca

Era vakaraitaka na nodra I naki dina

Ni ra sega ni kila na I naki dina ni nodra tara na wekadra na I cabocabo ni soro, era kasamitaki ira vakaca: veivala, gadreva me ra tawasei tani, cudruvi vua na Kalou.

Na ka dina sai koya: na gagade me ra duavata tikoga kei ira na wekadra ka me na kakua ni ra tawasetani vei ira na Isireli ena dua na gauna e muri (Josua 22:24-26).

E dina ni rawa beka me ra vakcudruvi na veiyasusa ka beitaki ka sauma ena I valavala kaukauwa na veibaitaki, eda vakavinavinaka ni ra sauma ena yalovinaka ka tarova na I valu.




VEIVAKADUAVATATAKI

"A sa ka vinaka vei ira na Isireli na ka ogo; a ra sa vakkavinavinaka vua na Kalou ko ira na Isireli, ka sega tale ni kaya me ra lako cake me veivala kei ira, me vakarusa na vanua era tiko kina na Rupeni kei Kata" (Josua 22:33)



Era sa vakacegu ko Finiase kei ira na Isireli ni ra sa kunea ni sega na kena yavu na nodra veibeitaki (Josua 22:30-31). Era marau na Isireli ni ra kunea na ka dina, era reki ka vakavinavinaka vua na Kalou (Jos. 22:32-33).



Na kedra I vakaraitaki, eda raica rawa na vei kalawa me rawati kina na tiko sautu ena gauna vata vaka ogo ena noda veivuvale, soqosoqo lotu, kei na I tikotiko:



Veitalanoataka noda nanuma



Kakua ni kasamitaka vakaca na wekamu



Veivosakitaka na leqa ni bera ni o cakava e dua na ka



Mo dau yalorawarawa mo ciqoma e so na malumalumu me rawa na duavata



Dau vosa ena yalovinaka mo sauma kina na veibeitaki



Mo reki ka vakavinavinakataka na Kalou ni sa rawati na tiko sautu

“Ko ira na luvei Kata kei Rupeni era sa qai vola ena nodra I cabocabo ni soro na I naki ni kena vakaduri; era sa vola kina, “ Sa kena I vakadinadina vei keda ni sa Kalou ko Jiova.” Oqo na gaunisala era saga kina me ra kakua kina ni qai beitaki e muri ka kauta laivi talega e dua na e vakavuna nodra temaki.

E vuqa na gauna e dau tubu na veileti ena so na duidui lalai ni vakasama, ka rawa ni tubu mai ena kena vakayacori tiko e so na I naki yaga sara; ia ni sega na veikauwaitaki kei na dau veiciqomi, sa rawa ni tarava mai e so na veika e vakarerevaki sara [...]

E sega ni dua e se bau vakalesui mai na nona cala ena cudruvi se na vakalelelwa; ia e lewe vuqa ga era sa vakasavi tani vakayawa sara mai na sala dodonu ka liutaki me vakaukauwataka na lomadra. Na yalovinaka, dauveikauwaitaki, dauveivosoti ena rawa ni vakabula e dua ka I valavala ca ni sa ubia na I valavala ca e vuqa”